

مجموعہ ابوالضیا

ماسوا شاہہ سندن دلی تطہیرہ چالش
پر توحکمت و عرفان ایلہ تنویرہ آتش

علوم و معارفین بحث ایڈرہ و حرماہ عربی ابتدایہ اون بشندہ نشر اول نور فنون غرہ سیدوہ

نومرو ۱۶ - جلد ۲ [فی حرہ جادی الاول سنہ ۱۲۹۸] نسخہ سی ۳ فروش

بر ستمون بولتسون! هایدی همدی ایشکزه کیدنکز؛ و بنی بر دها بو
خصوص ایچون اشغال ایتیکز! »

مکتوبکرده آلتون ايله عقل و کیاسته دائر اولان عباره بنم حقمده
خلوص نیتله یازلمش ایشه ده مملکتکیز بولنان انکلتزه ایچون پکده شایان
تقدیر دکدر . معلومکیز در که دنیانک هر طرفنده، هر شینک قیمتی اوشینک
مقدار موجودیله راغبانی نسبتنده در .

اسرائیلیانده روایت اولندیغنه کوره حضرت سلیمان زماننده ممالک
بنی اسرائیلده سیم وزر اول رتبه مبدول ایمش که قالدیرم طاشلری قدرده
حائز قیمت دکل ایمش . الیوم سرده (یعنی انکلتزه ده) الحق عقل و کیاست
دخی اودرجه لرده مبدولدر؛ بناء علیه همشهریلر کزی عقل و کیاسته
راغب اولدقلرندن طولانی تقییح ایتیکز .

بالفرض بنده عقل و کیاست موجود ایشه آنی کندی مملکتیه کو .
تورملییم؛ چونکه بزده (یعنی آمریقاده) عقل و کیاست ندرت اوزره
اولدیغندن، البته بورادن زیاده مظهر رغبت اوله جقدر .

انکلتزه ده پک چوق دوستلر پیدا ایده رک، آنلرک انس و الفتلرندن
فوق الغایه متلذذ و مستفید اولدیغندن، بویله بر مملکتدن هجرائمه هر حالده
متأسفیم . بناء علیه دوستلردن افتراقی موجب اولان مجبوریت مخلصکیز
ایچون آز بر حزن و ملال دکدر عزیزم .

شعر

همراه سلطان ایچون - مرثیه باقی (۱)

جای آسایش اولور صانع جهان فانی !
ایله قصد عمارت بو خراب ایوانی !

(*) مشارالیه سلیمان قانونیک کرمه کرمه الخصالدر ارنک تاریخلرنده (دو خسولان) دیه
مشهور اولان (رخسار آل) خانودا که فرانسوز پرستیور .

منزل بار بلا کهنه سرادر دنیا،
 کنج راحت یری ظن ایله بو ایوانی!
 فلکک قصر دلا ویزینه مقتون اولمه؛
 نیجه میرانه کبر و بدر؛ بوجهان فانی!
 دشمن اهل کرمدر؛ فلک سقله نواز،
 کوز کوره ندی او شهرزاده عالی شانی!
 آب و تابن کیدروب، تف سموم قهری،
 برک نیلوفره دوندردی کل خندانی!
 قنی اول کنسکره ناج سعادت مهری؟
 قنی اول بار که لطف و کرم سلطانی؟
 قنی اول در دل افروز و سخا دریاسی؟
 قنی اول کوهر نایاب و مرؤت کانی!
 مهر ماه فلک و تحت سعادت سلطان،
 شمع ایوان سرا پرده عصمت سلطان.
 ۲
 ابرباران که یاغار باغ و گلستان اوزر،
 قطره لری کیم دو کیلور سنبل و ریحان اوزره،
 جویلر کیم طولاشور دامن صحرالده،
 ژاله لری کیم کورینور لاله نعمان اوزره،
 هب او کوزیاشاریدر؛ آقادی بساط ارضه،
 آغلاشیر؛ ارض و سما حضرت سلطان اوزره!
 ماتمک طوتسه نوله عالم علویده فلک
 سایه رحمت رحن ایدی انسان اوزره!
 بوفنا کلشنک خار و خسندن کوچوروب،

قوردیلر بار کهن روضه رضوان اوزره،
 جسم پاکن کوتوروب، خاکدن آلدی رضوان،
 دوشه دی خوابکهن غرقه غقران اوزره!
 سر بر سر صالمش ایلدی؛ سایه فضل و احسان،
 شهر طافتن خیل یتیمان اوزره! ^{لایحه}
 آغلاک ای خیل یتیمان و غریبان آغلاک
 یاد ایلدوب، نعمت سلطانی فراون آغلاک

۳

عید یاقلاشدی دوشسون بنه قصر ایوان!
 چیقوب ایوان سعادتده بیورسون سلطان.
 دردر کاهنه عزم ایلدوب، اشراف و کبار
 ایشیکی خاکنه یوزلی سوره کلسون ایوان!
 «خاله سلطان!» دیو شهراده ل اقبال ایتسون!
 کلسون اول لطف و کرم کانه شاد و خندان.
 آه کیم، خواب و خیال اولدی بودولتر هب!
 طورمدی؛ عکسنه دور ایلدی؛ چرخ کردان!
 کلوب احباب سر بر کده سنی کور میچن،
 «قنی سلطان!» دیو افلاکه ایرشون افغان!
 نه خطا ایلدک ای نیرکچ انداز فلک!
 مردم دیده دورانه طوقندی پیکان.

مدد الله مدد! عون و عنایت سندن!
 بوفراق آتشنه طویغنه طاقت سندن!

۴

بربره جمع اولم خاطری مکسور لایله!
 (۲) ^{دینار او کلسون}

زار زار آغلا یلم دیدهٔ پر خونتر ایله !
 کولمه نك، او ینامه نك كندی زمانى شمعی؛
 حاملز سویلشلم؛ حالى دكر كونلر ایله !
 شویله بیهوش و خراب ایلدی افسانهٔ غم؛
 عقلز باشمزه کلمه افسونلر ایله !
 نقد وقت اولدی بزه اشك سفید و رخ زرد
 دردوغم طالایی بز آقچه و آلتونلر ایله
 قوندى صحن چمنه روضهٔ فردوس ایجره
 سایبانی قوریلوب، چتر همایونلر ایله .
 نعمت روضهٔ رضوانه یتشدی او ولی،
 بز جگر خونی یرز؛ بونده جگر خونلر ایله !
 قیوسنده ایشیکی خدمتن ایلر غلمان
 خوریلر قارشی طورر؛ آطلس و کسونلر ایله (۲)
 منت اللهه کمال کرم ربانی
 ایلدی ایکی جهان دولته ارزانی !

○

لایق مغفرت حضرت غفار اولسون !
 دولت نامتناهی یه سزاوار اولسون !
 خلعت فاخره سی دامن عفو ستار،
 روح پاکنه خدا لذت دیدار اولسون !
 مرقد پاکن ایدوب شمع هدایت روشن،
 مشهد طاهری مستغرق انوار اولسون !

(۲) اکسون - افسون و زنده قاهر و زینت سیاه جامه یه دئیر اوائلده اکابر و عظماء تفاخر و آرایش

ایچون اکسنا ایدرلر ایدی

عاقبت یوقلق ایمش؛ کار جهان ای باقی !
 نیدهلم شاه جوان بخت جهان وار اولسون !
 دخی اول دختر سعادختر ویاکیرنه کهر،
 چشم ناهید کبی روشن ویدار اولسون !
 آب روی وزرا حضرت احمد پاشا
 مظهر لطف خداوند جهاندار اولسون !
 آق کل غنچه‌ری کبی کوزل کورپه‌ره،
 خار آزاردن الله نکهدار اولسون !
 غرقه رحمت اولان روح روان سلطان،
 خورابه مونس اوله کلشن فردوس مکان !

تاریخ طبعی

قط الزباد - یاخود مسک کدیمی

ذات النديه یعنی مملی حیوانات صیقلندن بولنان و آكل اللحم اولان
 بو حیوان صغیر شکلا نلکی به بکرز .
 مسک کدبسنک براز تو یار قبا و اوزونجدر . باخصوص فروه
 ظهري کرکی کبی اوزونجه اولغله قویروغنه طوغری امتداد و بر نوع
 (یله) تشکیل ایلرکه قیردینی زمان بو (یله) دیکیلیر .
 مسک کدیمی پک وحشی در؛ فقط قابل تربیه اولغله بالتدریج انسانه
 آلیشیر . و او کدیلمی کبی مونس اوله ییلیر . سرعت حرکت و تیر
 رفتار اولمده او کدیلمی فائقدر . علی الخصوص آنردن زیاده و تاب
 و چالاکدر . کوزلی کچه‌ری قراکلفده یارلادینی و باخصوص کچه